

UNIVERZITET U SARAJEVU - FILOZOFSKI FAKULTET

Na osnovu članova 106. Zakona o visokom obrazovanju ("Službene novine Kantona Sarajevo" broj: 36/22), članova 129. i 135. Statuta Univerziteta u Sarajevu (broj: 01-1093-3-1/18 od 28. 11. 2018. godine, člana 21. do 27. Pravila studiranja za treći ciklus studija na Univerzitetu u Sarajevu – doktorski studij broj: 01-1101-79-1/18 od 19.12.2018, Odluke Senata o dopuni Pravila studiranja za treći ciklus studija na Univerzitetu u Sarajevu broj: 01-3-40/19 od 30. 01. 2019. godine, Odluke Senata o izmjeni i dopuni Pravila studiranja za treći ciklus studija na Univerzitetu u Sarajevu broj: 01-32-137/19 od 30. 10. 2019. godine, Tumačenja Pravila studiranja za treći ciklus studija na Univerzitetu u Sarajevu – doktorski studij broj: 01-17-104/20 od 22. 07. 2020. godine, Odluke Senata Univerziteta o saglasnosti za otvaranje trećeg ciklusa studija iz germanistike broj: 01-38-769/11 od 30.03.2011. godine, Prijedloga Vijeća doktorskog studija od 16. 5. 2023. godine, Prijedloga odluke Vijeća Univerziteta u Sarajevu - Filozofskog fakulteta broj: 03-09/189 od 1. 6. 2023. godine, Odluke Senata Univerziteta o saglasnosti na raspisivanje konkursa za upis studenata trećeg ciklusa studija – doktorski studij iz germanistike u studijskoj 2023/2024. godini broj: 01-12-23/23 od 22. 6. 2023. godine, Univerzitet u Sarajevu - Filozofski fakultet *objavljuje*

KONKURS

Za upis studenata u TREĆI CIKLUS STUDIJA – DOKTORSKI STUDIJ IZ MATIČNE OBLASTI GERMANISTIKA „*NJEMAČKI JEZIK I NJEMAČKA KNJIŽEVNOST U KONTEKSTU MEDIJSKE KULTURE*“, na Univerzitetu u Sarajevu - Filozofskom fakultetu u studijskoj 2023/2024. godini

I

Konkurs se raspisuje za upis studenata u treći ciklus studija – doktorski studij koji se organizuje iz matične oblasti *germanistika*, pod naslovom:

NJEMAČKI JEZIK I NJEMAČKA KNJIŽEVNOST U KONTEKSTU MEDIJSKE KULTURE

U sklopu međunarodne saradnje između Univerziteta u Sarajevu i Univerziteta u Würzburgu organizira se zajednički doktorski studij sa profesorima sa Odsjeka za germanistiku Univerziteta u Würzburgu (SR Njemačka), pa je u skladu s tim predviđena mogućnost sticanja međunarodne diplome: Univerziteta u Sarajevu / Univerziteta u Würzburgu, SR Njemačka.

Studij se organizuje u trajanju od tri godine, a njegovim završetkom stiče se naučno zvanje doktor lingvističkih nauka/znanosti - germanistika ili doktor književnohistorijskih nauka/znanosti - germanistika, zavisno od izbora težišta studija.

II

Pravo pristupa doktorskom studiju i podnošenje prijave imaju slijedeći kandidati:

1. Kandidati koji su završili studij humanističkih nauka i stekli zvanje MA iz oblasti književnosti, lingvistike ili umjetnosti, kao i kandidati koji su stekli naučni stepen magistar nauka/znanosti (Mr.) iz ove oblasti. Uslov za upis studija je minimalna prosječna ocjena osam (8) na dodiplomskom i diplomskom studiju.
2. Kandidatima za upis koji su stekli titulu magistra nauka prije uvođenja Bolonjskog sistema na osnovu Pravila studiranja za treći ciklus studija na Univerzitetu u Sarajevu priznaje se 60 ECTS bodova.

Kandidati strani državljani prijavljuju se na konkurs pod istim uslovima kao i državljani Bosne i Hercegovine uz uvjet da dostave rješenje o priznavanju inostranih visokoškolskih kvalifikacija.

Uz prijavu na konkurs, kandidati su obavezni dostaviti:

1. Diplomom o završenom prethodnom obrazovanju/ Diploma sa Dodatkom diplome (original ili ovjerenu fotokopiju);
2. Uvjerenje o položenim ispitima na prethodnom studiju (original ili ovjerenu fotokopiju);
3. Rješenje o akademskom priznavanju inostranih visokoškolskih kvalifikacija koja je stečena u inostranstvu ili diplome stečene u nekoj od država bivše Jugoslavije nakon 6. 4. 1992. godine (original ili ovjerenu fotokopiju);
4. Izvod iz matične knjige rođenih (original ili ovjerenu fotokopiju);
5. Uvjerenje o državljanstvu (original ili ovjerenu fotokopiju);
6. Biografiju i bibliografiju;
7. Objavljene publikacije (ukoliko ih ima)

Visina školarine iznosi 3.000,00 KM po godini studija. Kandidati koji nakon svih položenih ispita budu imali prosjek iznad 8,5 bit će u potpunosti oslobođeni plaćanja 3. studijske godine.

Za doktorante postoji mogućnost stipendiranja za istraživačke boravke na partnerskom Univerzitetu u Würzburgu, SR Njemačka.

III

Nastava za studij će se organizovati za sve kandidate koji ostvare pravo na upis.

IV

U skladu sa članom 26c. Pravila studiranja za treći ciklus studija na Univerzitetu u Sarajevu – Doktorski studij, studenti dokorskog studija mogu studirati u punom radnom vremenu ili u dijelu radnog vremena (studij se organizira kao redovni i kao vanredni studij u zavisnosti od interesa i mogućnosti pohađanja prijavljenih kandidata).

V

Konkurs ostaje otvoren 15 dana od dana objavljivanja.

Prijave dostaviti putem pošte na adresu: Univerzitet u Sarajevu - Filozofski fakultet, ulica Franje Račkog br. 1, 71000 Sarajevo, sa naznakom „Prijava za upis na doktorski studij iz matične oblasti germanistika, *Njemački jezik i njemačka književnost u kontekstu medijske kulture*“.

Obrazac prijave može se preuzeti sa WEB adrese Fakulteta www.ff.unsa.ba.

Kontakt:

- težište lingvistika vedad.smailagic@ff.unsa.ba

- težište književnost vahidin.preljevic@ff.unsa.ba